

**HRONOLOŠKI PREGLED DJELIMIČNO ILI POTPUNO UNIŠTENIH OBJEKATA
VLASNIŠTVA MUSLIMANA OD STRANE SRBA I CRNOGORACA U OPŠTINI
PLJEVLJA**

6. 10. 1991. Bačena je bomba na prodajni objekt koji je u vlasništvu Islamske vjerske zajednice a koji je smješten u dvorištu Husein-pašine džamije. Počinioci su ljudi srpsko-crnogorske nacionalnosti a čija imena policija ne daje u javnost.
13. 11. 1991. Bačena je bomba na prodajni objekat čiji je vlasnik Selmanović Kerim. Istog dana, rafalima iz automatskog oružja oštećena su još tri objekta čiji su vlasnici: Delić Ševad, Nahodović Suad i Karahmetović Sabiha.
07. 01. 1992. Ponovo je oštećen objekt Islamske vjerske zajednice u krugu Husein-pašine džamije (objekt je od prethodne detonacije bio saniran).
08. 01. 1992. Eksplozivnom napravom potpuno je uništeno putničko vozilo "Zastava" reg. br. PV 138-14 vlasništvo Orhana Mahmutovića imama Husein-pašine džamije.
06. 05. 1992. Rafalima iz automatskog oružja oštećena je trgovinska radnja vlasništvo Ciguljin Samira.
17. 05. 1992. Rafalima iz automatskog oružja demolirana je radnja (pekara) čiji je vlasnik Čočaj Zulfo.
19. 06. 1992. Bačena je bomba na teretno vozilo čiji je vlasnik Muslić Memsur. Istog dana bačena je bomba na prodajni objekt čiji je vlasnik Mušović Nedžib, kao i na prodajni objekt čiji je vlasnik Koštović Smail.
20. 06. 1992. Bačena je bomba na restoran čiji je vlasnik Čočaj Zulfo.
09. 07. 1992. Bačena je eksplozivna naprava na prodajni objekt vlasništvo Pelidije Huseina. Istog dana bombom je oštećen kamion vlasništvo Katana Meha, a rafalima iz automatskog oružja oštećena je radnja čiji je vlasnik Vlahovljak Munir.
11. 07. 1992. Bačena je bomba na trgovinsku radnju čiji je vlasnik Ajanović Emin.
18. 07. 1993. Bačena je eksplozivna naprava na objekt čiji je vlasnik Bambur Selmo.
20. 07. 1992. Eksplozivnom napravom ponovo je oštećen objekt čiji je vlasnik Pelidija Husein (objekt je od prethodne detonacije bio saniran).
29. 07. 1992. Bačena je eksplozivna naprava na prodajni objekt čiji su vlasnici dvoje maloljetne djece bez roditelja. Istog dana bačena je eksplozivna naprava zapaljive moći od koje je do temelja je izgoreo prodajni objekt čiji je vlasnik Koštović Smail.
14. 08. 1992. Miniran je automobil čiji je vlasnik Delić Mirsad.
17. 08. 1992. Bačena je bomba na prodajni objekt čiji je vlasnik Hrustemagić Mensur.
18. 08. 1992. Bačena je bomba na prodajni objekt čiji je vlasnik Strujić Senad.
27. 08. 1992. Bačena je eksplozivno-zapaljiva naprava na zanatsko uslužni centar pri čemu je izgorelo do temelja sedam objekata a vlasnici su: Bjelobrk Dževad, Čole Halid, Dizdarević Džemail. Bidžan Hasan, Delegija Muhamed, Hrastovina Nevzet, Muslini Azemi.

23. 09. 1992. Bačena je eksplozivna naprava na prodajni objekt Hekalo Enesa. Od snažne detonacije popucala su stakla na obližnjim kućama.
25. 09. 1992. Bačena je bomba na kuću čiji je vlasnik Duraković Nurija.
26. 09. 1992. Bačena je bomba na kuću čiji je vlasnik Fadil Hamzić. Bomba je pala u dvorište i tu eksplodirala. Od jake eksplozije stradao automobil koji je bio parkiran u dvorištu i popucala su stakla na istoj kući.
02. 10. 1992. Bačena je bomba na prodavnicu čiji je vlasnik Mušović Nedžib.
03. 10. 1992. Bačena je bomba na kuću čiji je vlasnik Džaka Esad. Od eksplozije stradao je poslovni prostor koji je u sastavu kuće.
20. 10. 1992. Bačena je bomba na prodajni objekt čiji je vlasnik Nahodović Mirsad.
01. 01. 1993. U Drvarskoj ulici u Pljevljima bačena je bomba na kuću Mehmeda Kordića. Ista je vidno oštećena i pravo je čudo da nije bilo ranjenih i poginulih.
07. 01. 1993. Pripadnici specijalnih snaga MUP-a Crne Gore a koji su smješteni u hotelu Pljevlja čitav dan su pucali u minaret Husein-pašine džamije iz automatskog oružja dostojno obilježavajući veliki pravoslavni praznik.
28. 03. 1993. Oštećen je lokal vlasništvo Riza Burnazovića
30. 03. 1993. Bačena je bomba na ambulantu oralne hirurgije u kojoj ordinira dr. Ejub Suruliz.
20. 04. 1993. U selu Planjsko MZ Bukovica do temelja je sagorjela džamija. Uzrok požara je neispravna elektroinstalacija. U pomenutoj džamiji nije se obavljala vjerska služba više od pola godine.
26. 04. 1993. Bačena je snažna eksplozivna naprava na ambulantu oralne hirurgije u kojoj ordinira dr. Ejub Suruliz. Eksplozija je toliko bila jaka da su popucala stakla na susednim zgradama.
20. 05. 1993. U selu Raščići minirani su ostaci džamije koja je dopola srušena 1943. a 50 god. kasnije je totalno dokrajčena.